



# HAFNARFJÖRÐUR

Heilbrigðisráðuneytið

b.t. Svandísar Svavarsdóttur, heilbrigðisráðherra

Skógarhlíð

Reykjavík

Hafnarfirði, 27. febrúar 2020

1506568 RE

Efni: Sólvangur


Um leið og þakkað er fyrir góðan fund með heilbrigðisráðherra þann, 19. febrúar sl. er eftirfarandi erindi ítrekað:

Nýtt 60 rýma hjúkrunarheimili að Sólvangi var opnað sumarið 2019 og leysir það af hólmi „gamla“ Sólvang. Nýja heimilið var byggt samkvæmt svokallaðri leiguleið. Hafnarfjarðarbær og velferðarráðuneytið gerðu með sér samning um byggingu hjúkrunarheimilisins sem undirritaður var 27. október 2016. Þar segir m.a.: „*Sjúkratryggingar Íslands (SÍ) munu auglýsa eftir rekstraraðila fyrir hjúkrunarheimilið tólf mánuðum áður en verklok eru fyrirhuguð.*“ Sí gerði samning við Sóltún öldrunarþjónustu um rekstur heimilisins. Hafnarfjarðarbær gerði jafnframt samning við Sóltún um rekstur almenningar dagdvalar sem hefur verið rekin á jarðhæð gamla Sólvangs til nokkurra ára. Hafnarfjarðarbær óskaði eftir fjölgun hjúkrunarrýma í gamla Sólvangshúsinu í framhaldi af því að nýtt hjúkrunarheimili væri tekið í notkun. Í bréfi frá heilbrigðisráðuneytinu dagsettu 3. október 2018 heimilaði ráðuneytið rekstur allt að 33 nýrra hjúkrunarrýma í húsinu eftir að endurbætur hafa verið gerðar á húsnæðinu.

Erindi barst frá heilbrigðisráðuneytinu þann 23. janúar 2019 þess efnis að sveitarfélagið léti ráðuneytinu eftir gamla Sólvang tímabundið fyrir hjúkrunarrými á meðan verið væri að ljúka framkvæmdum við nýtt hjúkrunarheimili að Sléttuvegi í Reykjavík. Sveitarfélagið veitti leyfið og hafa síðastliðna mánuði verið rekin 38 hjúkrunarrými í gamla húsinu. Ríkið samdi við Sóltún öldrunarþjónustu um rekstur rýmanna. Tekið skal fram að ekki hefur verið gerð krafa af hendi sveitarfélagsins um leigugreiðslur vegna húsnæðisins. Fyrirhugað er að íbúarnir 38 sem nú búa í gamla Sólvangshúsinu flytji á Sléttuveg um næstu mánaðarmót þ.e.a.s. febrúar/mars 2020.

Fulltrúar Hafnarfjarðarbæjar fóru á fund heilbrigðisráðuneytisins í október 2019 og var óskað svara annars vegar við því hvort hægt væri að halda áfram með rekstrarform leiguleiðarinnar fyrir nýju 33 rýmin sem bætast við á gamla Sólvangi. Hins vegar var óskað svara við því hvort hægt væri að skipta yfir í 85%/15% kostnaðarleiðina varðandi endurbætur á húsinu og skila þá framlaginu frá Framkvæmdasjóði aldraðra.

Svar barst þann 4. desember 2019 frá ráðuneytinu þar sem segir m.a. „...*Málið hefur nú verið skoðað hér í ráðuneytinu og niðurstaðan er sú að ekki er hægt að halda áfram með rekstrarform leiguleiðarinnar fyrir þessi 33 rými þar sem leiguleiðin var tímabundin*



## HAFNARFJÖRÐUR

ráðstöfun sem nú er lokið. Hins vegar er það Hafnarfjarðarbæjar að sjá um rekstur þessara nýju rýma og frjálst að fela það þriðja aðila, hvort sem það er núverkandi rekstraraðili eða

annar. Varðandi seinni spurninguna er það ljóst að ekki er hægt að fara aðra leið en þá sem þegar hefur verið hafin, þ.e. með aðkomu Framkvæmdasjóðs aldraðra, þar sem húsnæðið er í eigu sveitarfélagsins.“

Fullyrðing ráðuneytisins varðandi það að það sé Hafnarfjarðarbæjar að sjá um rekstur nýju rýmanna kom verulega á óvart. Í samtölum við ráðuneytið hefur verið gengið út frá því að það sé ríkisins að semja við rekstraraðila eins og gert var vegna nýja heimilisins. Algjörlega óeðlilegt er að vera með fleiri en einn rekstraraðila að þjónustu við eldri borgara á Sólvangssvæðinu. Auk þess er bent á að í bréfi frá ráðuneytinu þar sem fjallað er um tímabundinn rekstur hjúkrunarrýma í eldra húsnæði Sólvangs og dagsett er 23. janúar 2019 segir: „:::Gert er ráð fyrir að sami rekstraraðili sjái um rekstur þessara tímabundnu rýma og þeirra 60 hjúkrunarrýma sem verða í nýja Sólvangshúsinu, sem og rekstur þeirra 33 hjúkrunarrýma sem tekin verða í notkun eftir áður nefndar endurbætur.“ Ekki er hægt að skilja þetta á annan veg en að ríki semji við rekstraraðila um rekstur nýju rýmanna á gamla Sólvangi.

Hér með er ítrekuð sú krafa Hafnarfjarðarbæjar að farin verði leiguleiðin við endurbætur á „gamla“ Sólvangi ellegar skipt yfir í 85%/15% kostnaðarleiðina. Ef ráðuneytið telur þessar leiðir ekki færar er óskað eftir því að ráðuneytið komi fram með útfærslu á fjármögnun endurbóta á húsnæði „gamla“ Sólvangs en ljóst er að kostnaður við endurbætur hússins fyrir rýmin 33 er margfalt lægri en ef byggja þyrfti nýtt hjúkrunarheimili frá grunni.

Einnig er lögð áhersla á að heilbrigðisráðuneytið semji við rekstraraðila um rekstur 33 nýrra rýma í „gamla“ Sólvangi.

Virkunarfullst.  


Rósa Guðbjartsdóttir, bæjarstjóri